

Broj: 01-789/25

Bijeljina, 16.5.2025. godine

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama BiH (Sl. glasnik BiH 39/14, 59/22 i 50/24) i člana 8. stav (2) tačka d) Pravilnika o uspostavljanju i radu komisije za nabavke (Sl. glasnik BiH 103/14 i 49/23), na preporuku Komisije za nabavku oformljene Rješenjem broj 01-543/25 od 3.4.2025. godine u otvorenom postupku javne nabavke, direktor JP „EKO-DEP“ doo je donio

ODLUKU

O izboru najpovoljnijeg ponuđača

Član 1.

Prihvata se Preporuka komisije za nabavku broj 01-781/25 od 16.5.2025. godine i ugovor za nabavku usluga servisa postrojenja za spaljivanje deponijskog gasa sa ugradnjom mobilnog sistema za otplinjavanje na deponiji, nabavka broj 34-US-25, dodjeljuje se ponuđaču „DUME-TRADE“ doo, Industrijska cesta 13D, 6310 Izola, Slovenija, ponuda broj 10/2025, koja je dostavljena dana 4.4.2025. godine i zaprimljena pod brojem 01-562/25, za ponudenu cijenu u iznosu od 73.460,97 KM bez PDV-a, kao najpovoljnijem ponuđaču.

Član 2.

Izabrani ponuđač je dužan da u roku od 7 (sedam) dana od dana prijema obavještenja o rezultatima ovog postupka javne nabavke dostavi ugovornom organu originale ili ovjerene kopije dokumentacije neophodne za zaključenje ugovora koja je zahtijevana po članu 45. ZJN, te zvaničan prevod faktura broj 61-2022, 67-2023 i 57-2024 čije ovjerene kopije je već dostavio u odgovoru na pojašnjenje ponude.

Član 3.

Imajući u vidu da je u predmetnoj proceduri javne nabavke učestvovao samo jedan ponuđač, Ugovorni organ zadržava pravo zaključenja ugovora u skladu sa članom 98. stav (2), tačka a) Zakona o javnim nabavkama BiH.

Član 4.

Ova Odluka objaviće se na internet stranici preduzeća (www.ekodep.com) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) ZJN.

Član 5.

Za izvršenje ove Odluke zadužuju se i ovlašćuju lica zadužena za javne nabavke i održavanje i ažuriranje web stranice Ugovornog organa.

Član 6.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) ZJN.

Obrazloženje:

Postupak javne nabavke usluga servisa postrojenja za spaljivanje deponijskog gasa sa ugradnjom mobilnog sistema za otplinjavanje na deponiji, nabavka broj 34-US-25 pokrenut je Odlukom o pokretanju postupka javne nabavke broj 01-441/25 od 14.3.2025. godine.

Javna nabavka je sprovedena po proceduri otvorenog postupka, sa predviđenim provođenjem e-Aukcije.

Procijenjena vrijednost javne nabavke bez uračunatog PDV-a iznosi: 100.000,00 KM.

Obavještenje o nabavci broj 65-1-2-47-3-9/25 objavljeno je na Portalu javnih nabavki dana 14.3.2025. godine i u Sl. glasniku BiH broj 17/25 od 21.3.2025. godine.

Komisija za nabavku imenovana je Rješenjem broj 543/25 od 3.4.2025. godine.

Komisija za nabavku dostavila je Ugovornom organu Zapisnik o pregledu i ocjeni ponuda broj 01-780/25 od 16.5.2025. godine, Preporuku o izboru najpovoljnijeg ponuđača broj 01-781/25 od 16.5.2025. godine i Izvještaj o radu broj 01-782/25 od 16.5.2025. godine.

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike u kojima je utvrđeno sledeće:

- Da su u predmetnom postupku primljena 1 blagovremena ponude ponuđača:
 1. „DUME-TRADE“ doo, Industrijska cesta 13D, 6310 Izola, Slovenija.
- Da nije bilo neblagovremenih ponuda,
- Da su u ponudi ponuđača „DUME-TRADE“ doo, Izola, Slovenija dostavljene dvije potvrde kojim ponuđač dokazuje ispunjenje tehničke i profesionalne sposobnosti, s tim da je u potvrdi od 24.3.2025. godine koju je izdala firma „Komunala Izola“ doo, Izola, Slovenija, navedeno da je ponuđač izvršio servis plinske baklje na zatvorenoj deponiji sabirnog centra otpada Izola u vrijednosti od 30.500,00 EUR u periodu 2020-2024. godina. Obzirom da navedeni period obuhvata poslednjih 5 godina, ponuđaču je upućen Zahtjev za pojašnjenje ponude broj 01-724/25 od 6.5.2025. godine kojim je zahtijevano da u roku od tri dana dostavi pismeni dokaz iz kojeg se jasno može vidjeti vrijednost realizacije tog ugovora u periodu od prethodne 3 godine, računajući od objavljivanja Obavještenja o nabavci broj 65-1-2-47-3-9/25 dana 14.3.2025. godine.
- Da je ponuđač „DUME-TRADE“ doo, Izola, Slovenija u predviđenom roku dostavio Odgovor na zahtjev za pojašnjenje ponude od 7.5.2025. godine koji je zaprimljen kod ugovornog organa pod brojem 01-730/25 od 8.5.2025. godine, uz koji je dostavio ovjerene kopije narudžbenica iz 2022, 2023. i 2024. godine za servis plinske baklje koje je ponuđaču uputila firma „Komunala Izola“ doo, Izola, Slovenija, i to: Narudžbenicu broj 220451 od 3.11.2022. godine, Narudžbenicu broj 20452

od 4.11.2023. godine i Narudžbenicu broj 240297 od 28.10.2024. godine. Takođe, ponuđač je u svom pojašnjenju dostavio i ovjerene kopije faktura za izvršene usluge po navedenim narudžbenicama: Fakturu broj 61-2022 od 11.11.2022. godine, Fakturu broj 67-2023 od 1.12.2023. godine i Fakturu broj 57-2024 od 19.11.2024. godine, sve tri na iznos od po 6.000,00 EUR.

- Da su navedene narudžbenice dostavljene kao ovjerene kopije sa prevodom sudskog tumača, dok su navedene fakture dostavljene kao ovjerene kopije, bez prevoda.
- Da se, bez obzira na nedostajući prevod, iz dostavljene dokumentacije može jasno vidjeti da je predmetni ugovor sa „Komunala Izola“ doo, Izola, Slovenija tokom perioda 2022, 2023. i 2024. godine realizovan u ukupnoj vrijednosti od 18.000,00 EUR, čime je ponuđač dokazao da ispunjava zahtjeve tehničke i profesionalne sposobnosti. U vezi sa navedenim, komisija je dala preporuku ugovornom organu da od ponuđača obavezno zahtijeva da dostavi i prevod ovjerenih kopija navedenih faktura, kako bi se u potpunosti ispoštovali zahtjevi u pogledu jezika ponude traženi tenderskom dokumentacijom.
- Da je ponuda kvalifikovana i prihvatljiva, te da će dostavljanjem dokumentacije iz dispozitiva ove Odluke biti dostavljeni svi traženi dokazi propisani tenderskom dokumentacijom na propisan način,
- Da je u predmetnoj proceduri javne nabavke primljena jedna prihvatljiva ponuda, te u skladu sa Pravilnikom o uslovima i načinu korištenja e-Aukcije, e-Aukcija nije zakazana.
- Da je ponuđač „DUME-TRADE“ doo, Industrijska cesta 13D, 6310 Izola, Slovenija ponudio najnižu cijenu tehnički zadovoljavajuće ponude u iznosu od 73.460,97 KM bez PDV-a.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te pregled i ocjenu ponuda, u skladu sa kriterijumima iz tenderske dokumentacije.

U postupku ocjene provedenog postupka, uprava preduzeća nije našla razloge, nepravilnosti niti propuste u radu koji bi eventualno bili osnov za neprihvatanje Preporuke komisije za nabavke.

Naime, u postupku je ocijenjeno da je Komisija u svemu pravilno postupala, te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima i tenderskom dokumentacijom. Uvidom u priloženu dokumentaciju neosporno je da je izabrani ponuđač najbolje ocijenjen zbog toga što je dostavio tehnički zadovoljavajuću ekonomski najpovoljniju ponudu. Konačna rang lista ponuđača koji su učestovali na e-Aukciji je sledeća:

Rang ponude	Naziv ponuđača	Cijena bez PDV-a
1	„DUME-TRADE“ doo, Industrijska cesta 13D, 6310 Izola, Slovenija	73.460,97KM

Rangiranje prihvatljivih ponuda prema kriterijumu za izbor ponude

Naziv ponuđača čija je ponuda ocijenjena kao najpovoljnija:

Naziv ponuđača:	„DUME-TRADE“ doo
Sjedište i adresa:	Industrijska cesta 13D, 6310 Izola, Slovenija
Ukupna cijena ponude bez PDV-a:	73.460,97KM

Garantni period za robu isporučenu u okviru ugovora:	1 godina
Rok izvršenja usluge:	120 dana
Podaci o dijelu ugovora koji se daje u podugovor i podaci o podizvođaču, ako je primjenjivo	Ponudač ne namjerava sklapati podugovor sa trećom stranom.

Iz navedenih razloga, primjenom člana 64. stav (1) tačka b), člana 88. i člana 70. stavovi (1), (3) i (6) ZJN, kao i člana 8. Stav (2) tačka d) Pravilnika o uspostavljanju i radu komisije za nabavke, odlučeno je kao u članu 1. ove Odluke.

POUKA O PRAVNOM LIJEKU

Protiv ove Odluke može se izjaviti žalba, najkasnije u roku od 5 (pet) dana od prijema ove Odluke.

Žalba se izjavljuje u skladu sa Zakonom o izmjenama i dopunama zakona o javnim nabavkama (Sl. glasnik BiH 50/24). Žalba se izjavljuje Kancelariji za razmatranje žalbi BiH, putem Ugovornog organa, u pisanoj formi direktno ili preporučeno poštanskom pošiljkom na adresu ugovornog organa. Žalba se podnosi u najmanje 3 (tri) originalna primjerka.

S poštovanjem,

Direktor JP "EKO-DEP" doo



Dragiša Marjanović
Dragiša Marjanović

Dostavljeno:

- Ponuđačima,
- a/a.